

## Izveštaj o radu Uprave policije MUP-a Kantona Sarajevo za mjesec juni 2020. godine

### KRIMINALITET

#### STATISTIČKI POKAZATELJI

U mjesecu junu 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovan je 401 događaj sa obilježjem krivičnog djela (što je za 136 ili 51,3% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 145 ili 36,2% je evidentirano po poznatom izvršiocu, a 256 ili 63,8% po nepoznatom izvršiocu.

Od ukupno 256 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 60 ili 23,4% (što je za 16,7% manje u odnosu na uporedni mjesec) od čega je 37 događaja evidentirano u mjesecu junu, a 23 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 189 obavijesti (12 manje) o događajima u kojima je pričinjena neznatna materijalna šteta<sup>1</sup>.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JUNU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JUNI 2020. GODINE</b>	<b>401</b>	<b>145</b>	<b>256</b>	<b>60</b>	<b>23</b>	<b>195</b>	<b>5</b>	<b>128</b>	<b>82</b>
JUNI 2019. GODINE	265	123	142	57	32	153	4	90	68
<i>uporedba</i>	<i>136</i>	<i>22</i>	<i>114</i>	<i>3</i>	<i>-9</i>	<i>42</i>	<i>1</i>	<i>38</i>	<i>14</i>
	<i>51,3%</i>	<i>17,9%</i>	<i>80,3%</i>	<i>5,3%</i>	<i>-28,1%</i>	<i>27,5%</i>	<i>25%</i>	<i>42,2%</i>	<i>20,6%</i>

U toku mjeseca juna ove godine prijavljeno je 195 lica (42 više), od kojih su 128 povratnika (38 više) (ili 65,6% od ukupnog broja prijavljenih lica), pet maloljetnika (jedan više), a 82 lica su lišena slobode (14 više).

Za događaje sa obilježjem krivičnog djela, koji su evidentirani u mjesecu junu 2020. godine, prema izjavama oštećenih lica, nastupila je materijalna šteta u ukupnom iznosu od 688.142,60 KM.

KZ FBiH-a i KZ BiH-a	JUNI 2020. GODINE	JUNI 2019. GODINE	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	16	19	-3	-15,8%	14	2	0	0%
Protiv slobode i prava čovjeka i građanina	14	13	1	7,7%	14	0	0	---
Protiv spolne slobode i morala	1	2	-1	-50%	1	0	0	---
Protiv braka, porodice i mladeži	20	21	-1	-4,8%	20	0	0	---
Protiv zdravlja ljudi	42	26	16	61,5%	42	0	0	---
Protiv privrede poslovanja i sigurnosti platn..	2	0	2	---	2	0	0	---
Protiv imovine	272	152	120	78,9%	24	248	58	23,4%
Protiv okoliša	0	1	-1	----	0	0	0	---
Protiv opće sigurnosti ljudi i imovine	11	3	8	266,7%	5	6	2	33,3%
Protiv sigurnosti javnog prometa	6	10	-4	-40%	6	0	0	---
Protiv pravosuđa	0	1	-1	---	0	0	0	---
Protiv javnog reda i pravnog prometa	9	9	0	isto	9	0	0	---
Protiv podmićivanja i KD protiv službene ...	1	5	-4	-80%	1	0	0	---
Protiv privrede i jed.tržišta te kd iz oblasti carina (KZBiH)	0	1	-1	----	0	0	0	---
ZONDINOIM-a - Zakon o nabavljanju, držanju i nošenju oružja i municije (Sl.novine KS br.01/18)	7	2	5	250%	7	0	0	---
UKUPNO	401	265	136	51,3%	145	256	60	23,4%

U mjesecu junu 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 136 ili 51,3%. Najznačajnije povećanje je zabilježeno u oblastima protiv imovine (za 120 događaja) i zdravlja ljudi (za 16), dok su smanjenja evidentirana u oblastima protiv sigurnosti javnog prometa (za četiri događaja), protiv „podmićivanja“ (za četiri), života i tijela (za tri događaja), itd.

## PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

### PROTIV ŽIVOTA I TIJELA

Tokom juna 2020. godine evidentirano je 16 događaja sa obilježjem krivičnog djela iz oblasti protiv života i tijela (tri manje u odnosu na mjesec juni 2019. godine) i to 14 po poznatom i dva po nepoznatom izvršiocu. Evidentirani su sljedeći događaji:

- ubistvo (član 166. KZ FBiH) – jedan događaj,
- ubistvo u pokušaju (član 166. U vezi člana 28. KZ FBiH) – jedan,
- ubistvo u pomaganju (član 166. U vezi člana 33. KZ FBiH) – jedan,
- teška tjelesna ozljeda (član 172. KZ FBiH) – jedan i
- lahka tjelesna ozljeda (član 173. KZ FBiH) – 12 događaja.

Nadležnom tužilaštvu podneseni su službeni izvještaji protiv 18 lica, od koji je devet povratnika (ili 50%), a osam je lišeno slobode.

### PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 događaja sa obilježjem krivičnog djela (jedan više) i to ugrožavanje sigurnosti za čije je izvršenje prijavljeno 14 lica, od kojih je deset povratnika (ili 71,4%), a jedno je lišeno slobode.

Događaji sa obilježjem krivičnog djela ugrožavanja sigurnosti evidentirani su na području sljedećih općina: Novi Grad i Hadžići – po četiri, Novo Sarajevo i Vogošća – po dva, Stari Grad i Ilijaš – po

jedan događaj u kojima su izvršio upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

#### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu junu evidentirano je 20 događaja sa obilježjem krivičnog djela (jedan manje) i to nasilje u porodici, za čije izvršenje je prijavljeno 20 lica, od kojih je 11 povratnika (ili 55%), a devet lica je lišeno slobode.

Događaji sa obilježjem krivičnog djela nasilje u porodici evidentirani su na području općina: Novo Sarajevo – šest, Stari Grad i Novi Grad – po četiri, Ilidža – tri, Ilijaš – dva i Centar - jedan događaj.

#### PROTIV ZDRAVLJA LJUDI

Evidentirana su 42 događaja sa obilježjem krivičnog djela iz oblasti protiv zdravlja ljudi (16 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – jedan i
- posjedovanje i omogućavanje uživanja opojnih droga (čl. 239. KZ FBiH) – 41 događaj.

Nadležnom tužilaštvu podneseni su službeni izvještaji protiv 42 lica, među kojima su 22 povratnika (ili 52,3%) i 19 lica je lišeno slobode.

Policijski službenici Uprave policije MUP-a Kantona Sarajevo su Kantonalnom tužilaštvu Sarajevo podnijeli službeni izvještaj protiv K.S.(1980) zbog postojanja osnova sumnje da je u proteklom periodu u više navrata kupovo opojnu drogu "Marihuanu", na raznim lokalitetima, od za sada nepoznatih lica, istu prepakivao, a zatim vršio prodaju raznim konzumentima na području Kantona, čime bi počinio krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga) i protiv 41-nog lica koja su navodila druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Extazy", „Speed“, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

#### PREGLED ODUZETE KOLIČINE OPOJNIH DROGA U MJESECU JUNU 2020/19. GODINE

VRSTA OPOJNE DROGE	juni 2020. GODINE	juni 2019. GODINE
Marihuana (paketići)	<b>143</b>	26
Marihuana (u gramina)	<b>1.561,8</b>	---
Heroin (paketići)	---	7
Heroin (u gramima)	<b>66,7</b>	---
Amfetamin (paketići)	<b>19</b>	7
Amfetamin (u gramima)	<b>3,1</b>	55
Extazy (tablete kom.)	----	44
Extazy (u gramima)	<b>4</b>	---
Speed (u gramima)	<b>4,1</b>	---
pribor sa ostacima droge (komada)	<b>10</b>	1

#### PROTIV IMOVINE

U ovom mjesecu, evidentirana su 272 događaja sa obilježjem krivičnog djela protiv imovine (24 po poznatom i 248 po nepoznatom izvršiocu) što je za 120 ili 78,9% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 120 (37 više),
- krađa (član 286. KZ FBiH) – 86 (62 više),
- razbojništvo (član 289. KZ FBiH) – 38 (10 više),
- oštećenje tuđe stvari (član 293. KZ FBiH) – 11 (šest više),

- teška krađa u pokušaju (član 287. u vezi člana 28. KZ FBiH) – tri (isto),
- utaja (član 290. KZ FBiH) – dva (isto), itd.

Nadležnom tužilaštvu podneseni su službeni izvještaji protiv 63 lica, od kojih je 50 povratnika (ili 79,4%), a 23 su lišena slobode.

Od ukupno 248 događaja evidentiranih po nepoznatom izvršiocu iz oblasti protiv imovine naknadno je rasvijetljeno 58 ili 23,4% što je za 13,5% manje u odnosu na juni 2019. godine.

Tokom mjeseca juna ove godine, prema objektima izvršenja teških krađa, 57 je izvršeno u stambene objekte (šest više), 38 u poslovne prostore (30 više), 15 u motorna vozila (otuđenja motornih vozila i “provale” u ista) (osam manje), itd.

Takođe, evidentirana su tri otuđenja motornih vozila, a pet je pronađeno i vraćeno vlasnicima (dva vozila su otuđena u ranijem periodu). Uprava policije MUP-a KS pronašla je i vratila – dva i vlasnici su pronašli tri vozila.

Broj otuđenih motornih vozila u odnosu na uporedni mjesec znatno je smanjen i to za 12 ili 80%.

Evidentirano je 86 događaja sa obilježjem krivičnog djela krađe (62 više) i to: na ulici – 32 puta, u poslovnim prostorima – 23, u stambenim objektima - 12, u vozilima i na stajalištima GRAS-a – 11, itd. odakle su otuđivani mobiteli, novčanici, prehrambeni proizvodi, bicikli, alati, itd.

Evidentirano je 13 događaja sa obilježjem krivičnog djela teških krađa na naročito opasan ili naročito drzak način (11 više), u kojima su izvršiocu, upotrebom fizičke snage (otimanjem i trganjem) - devet puta i verbalnom prijetnjom u četiri slučaja, otimali mobitele, novac, nakit i tašne, a evidentirani su: na ulici - devet puta, sportskim kladionicama – dva, u ugostiteljskom objektu i apoteci - po jedan. Nadležnom tužilaštvu podneseni su službeni izvještaji protiv četiri lica, od kojih su tri povratnika u činjenju krivičnih djela, a dva su lišena slobode.

U mjesecu junu ove godine evidentirano je 38 događaja sa obilježjem krivičnog djela razbojništva (deset više) i to na području slijedećih policijskih uprava:

- IV PU - 11 (šest više),
- II PU – devet (pet više),
- III PU – osam (četiri više),
- V PU – pet (šest manje),
- I PU – tri (isto), itd.

Nadležnom tužilaštvu podneseni su službeni izvještaji protiv 12 lica, od kojih je devet povratnika (ili 75%), a šest je lišeno slobode. Od ukupno 37 događaja razbojništava evidentiranih po nepoznatom izvršiocu, naknadno su rasvijetljena 22 (devet događaja je iz ranijeg perioda) ili 59,4% (što je za 14,6% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 15 puta, upotrebom fizičke snage – 12 i prijetnjom upotrebe noža ili drugog oštrog predmeta – 11puta, a počinjena su u poslovnim prostorijama – 15 puta, na ulici – 11, u sportskim kladionicama – osam, u apotekama – tri i u stambenom objektu – jedno. Otuđivani su mobiteli i novac.

Iz ove oblasti evidentirano je 11 događaja (osam više) i to: - izazivanje opće opasnosti – osam, nesavjesno čuvanje pasa i drugih opasnih životinja, teška krivična djela protiv opće sigurnosti ljudi i imovine i izazivanje opće opasnosti u podstrekavanju – po jedan događaj, a nadležnom tužilaštvu podneseni službeni izvještaji protiv devet lica, od kojih je osam povratnika (ili 88,9%), a sedam je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru – šest puta i u stambenim objektima – dva puta pri čemu je u jednom slučaju aktivirana nepoznata eksplozivna naprava, četiri puta je otvorenim plamenom izazvan požar i u tri slučaja je upotrijebljeno vatreno oružje. Posljedice su nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je devet događaja sa obilježjem krivičnog djela (isti broj) i to: nasilničko ponašanje i napad na službenu osobu u vršenju poslova sigurnosti – po tri, krivotvorenje isprave, nedozvoljeno držanje oružja ili eksplozivnih materija i napad na službenu osobu u vršenju poslova sigurnosti u podstrekavanju - po jedan događaj.

Nadležnom tužilaštvu podneseni su službeni izvještaji protiv devet lica od kojih je pet povratnika (ili 55,5%), a šest lica je lišeno slobode.

#### **DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA**

U mjesecu junu 2020. godine evidentirana su četiri događaja sa obilježjem krivičnog djela, u kojima je učestvovalo pet maloljetnih lica. U odnosu na isti mjesec 2019. godine povećan je broj maloljetnih lica za jedan ili 25% , a broj događaja sa obilježjem krivičnog djela je isti kao i u junu 2019. godine.

Prijavljeni maloljetnici su u dobi od 14 do 16 godina – jedan, od 16 do 18 godina – četiri. Od ukupnog broja maloljetnika tri su povratnika u izvršenju događaja sa obilježjem krivičnog djela.

#### **OSTALA PROTIVPRAVNA I ASOCIJALNA PONAŠANJA**

##### AKTIVIRANJE MINSKO-EKSPLOZIVNIH SREDSTAVA

U toku mjeseca juna 2020. godine na području Kantona Sarajevo evidentirana su dva događaja aktiviranja minsko-eksplozivnih sredstava (isto u junu 2019. godine) usljed čega je nastupila materijalna šteta. Preduzimaju se aktivnosti na rasvjetljavanju ovih slučajeva i pronalaženju učinilaca.

Takođe, evidentirana je jedna anonimna dojava o postavljenoj eksplozivnoj napravi (nije bilo u junu 2019. godine), a odnosila se na hotel. Nakon KDZ pregleda utvrđeno je da je dojava bila lažna, a preduzimaju se aktivnosti na rasvjetljavanju ovog događaja i pronalaženju učinilaca.

##### POŽARI

Tokom mjeseca juna 2020. godine, na području Kantona Sarajevo registrovano je 11 požara (pet manje u odnosu na isti mjesec prethodne godine), u kojima je jedno lice poginulo, dok su dva lica teže, a dva lakše povrijeđena.

Požari su registrovani na području općina: Novi Grad – tri, Novo Sarajevo – dva, Vogošća – dva, Stari Grad, Centar, Hadžići i Ilijaš – po jedan požar.

Prema statističkim pokazateljima, pet požara je izazvano namjerno, jedan zbog tehničkih nedostataka, dok uzroci pet požara spadaju u kategoriju ostalih.

Objekti registrovanih požara bili su:

- Saobraćajno sredstvo - pet puta,
- Stambeni objekat - tri,
- Poslovni prostor - dva,
- Ostali objekti - jedan put.

#### SAMOUBISTVA

U mjesecu junu 2020. godine na području Kantona Sarajevo registrovano je jedno samoubistvo (četiri manje u odnosu na juni prošle godine) izvršeno upotrebom vatrenog oružja.

Samoubistvo je izvršila osoba muškog spola starosne dobi između 40 i 50 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzete su tri puške, četiri pištolja, dvije ručne bombe, tri noža i 226 komada municije raznog kalibra.

Tokom mjeseca juna ove godine fizičkim licima izdato je 185 odobrenje za nabavku vatrenog oružja i 160 oružnih listova.

#### JAVNI RED I MIR

U toku mjeseca juna 2020. godine u oblasti protiv javnog reda i mira evidentirano je **369 prekršaja** (12 ili 3,1% manje u odnosu na isti mjesec 2019. godine), a za izvršenje navedenih prekršaja prijavljeno je **375 lica** (30 ili 7,4% manje).

Zbog učinjenih prekršaja u oblasti protiv javnog reda i mira izdat je 331 nalog i podneseno je 38 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 331 prekršaj (ili 89,7%), a na prekršaje koji su utvrđeni Odlukom općinskih vijeća o javnom redu i miru 38 ili 10,3%.

Od ukupnog broja prijavljenih lica, 139 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (181), između 26 i 35 godina (165), između 19 i 25 godina (26) i do 18 godina - tri.

Prilikom narušavanja javnog reda i mira u mjesecu junu 2020. godine, nije bilo teže povrijeđenih lica (kao u istom mjesecu 2019. godine), dok je sedam lica (isti broj kao i u junu 2019. godine) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
ZA MJESEC JUNI 2020/2019.GODINA

PREKRŠAJI IZ ZAKONA O JRIM:	JUNI 2020.	JUNI 2019.	+ - %
- <i>Tuče</i>	22	27	-5 ili 18,5%
- <i>Naročito drsko ponašanje</i>	33	35	-2 ili 5,7%
- <i>Odbijanje naređenja i omalovaž. pol. služb.</i>	37	26	+11 ili 42,3%
- <i>Neovlaštena upotreba oružja</i>	---	---	---
- <i>Paljenje petardi</i>	---	---	---
- <i>Prosjačenje</i>	181	143	+38 ili 26,6%
- <i>Svađa, vika, nepristojno ponašanje</i>	7	15	-8 ili 53,3%
- <i>Uživanje opojne droge na javnom mjestu</i>	2	2	isti broj

<b>-Ostali prekršaji iz Zakona o JRiM</b>	49	59	-10 ili 16,9%
Prekršaji prema Odluci općinskog vijeća o JRiM	38	74	-36 ili 48,6%
ukupno	369	381	-12 ili 3,1%

Prema vrsti prekršaja, najbrojniji su sljedeći prekršaji: prosjačenje (181 ili 49% od ukupnog broja), odbijanje naređenja i omalovažavanje policijskih službenika (37 ili 10%), naročito drsko ponašanje (33 ili 8,9%), tuče (22 ili 6%), svađa, vika, nepristojno ponašanje (sedam ili 1,9%) i uživanje opojne droge na javnom mjestu (dva ili 0,5%). Takođe, evidentirano je 49 prekršaja iz kategorije ostali prekršaji i 38 prekršaja koji su regulisani Odlukom općinskih vijeća.

U odnosu na isti mjesec 2019. godine povećan je broj prekršaja učinjenih prosjačenjem za 38 ili 26,6% i odbijanjem naređenja i omalovažavanjem policijskih službenika za 11 ili 42,3%, dok je smanjen broj prekršaja učinjenih svađom, vikom, nepristojnim ponašanjem za 8 ili 53,3%, zatim tučom za 5 ili 18,5%, naročito drskim ponašanjem za 2 ili 5,7%, ostali prekršaji iz Zakona o JRiM za 10 ili 16,9% i prekršaji prema Odluci općinskog vijeća o JRiM za 36 ili 48,6%. Broj prekršaja učinjenih uživanjem opojne droge na javnom mjestu ostao je isti.

**Prema mjestu izvršenja**, najveći broj prekršaja evidentiran je na ulici i na drugim otvorenim prostorima (350 ili 94,8%), a znatno manje u ugostiteljskim objektima (4 ili 1,1%), u vozilima javnog saobraćaja i u trgovinskim i zanatskim radnjama (po jedan), a na ostalim mjestima 13 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JUNI 2020/2019. GODINE

MJESTO IZVRŠENJA	JUNI 2020.	JUNI 2019.	+ - %
Ugostiteljski objekti	4	10	-6 ili 60%
Ulice i drugi otvoreni prostori	350	354	-4 ili 1,1%
Vozila javnog saobraćaja	1	1	isti broj
Sportski stadioni i dvorane	---	---	---
Škole i školska dvorišta	---	1	-1
Trgovine i zanatske radnje	1	---	+1
Ostala mjesta	13	15	-2 ili 13,3%
UKUPNO	369	381	-12 ili 3,1%

U odnosu na isti mjesec 2019. godine, povećan je broj prekršaja evidentiranih u trgovinama i zanatskim radnjama, a broj evidentiranih prekršaja u vozilima javnog saobraćaja je ostao isti, dok je smanjen broj prekršaja na svim ostalim mjestima.

Na području Kantona Sarajevo u mjesecu junu 2020. godine održano je 79 javnih skupova (132 ili 62,5% manje u odnosu na mjesec juni 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u osam slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu junu 2020. godine u odnosu na isti mjesec prethodne godine smanjen je ukupan broj saobraćajnih nezgoda, broj nezgoda sa materijalnom štetom i nastradalim licima i broj povrijeđenih lica, dok je broj poginulih lica povećan.

Registровано je 717 saobraćajnih nezgoda (81 ili 10,1 % manje u odnosu na juni prethodne godine), od čega je 651 sa materijalnom štetom (67 ili 9,3 % manje) i 66 sa nastradalim licima (14 ili 17,5 % manje).

Tokom mjeseca juna 2020. godine u saobraćajnim nezgodama na području Kantona Sarajevo četiri lica su poginula (dva ili 100 % više), dok je 79 lica povrijeđeno (31 ili 28,2 % manje), od čega tri teže i 76 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JUN I 2020./19. GODINE

	juni 2020.	juni 2019.	+,-,%
UKUPNO SAOBRAĆAJNIH NEZGODA	717	798	- 81 ili 10,1 %
Saobraćajne nezgode sa nastradalim licima	66	80	- 14 ili 17,5 %
Saobraćajne nezgode sa materijalnom štetom	651	718	- 67 ili 9,3 %
POGINULO LICA	4	2	+ 2 ili 100 %
- vozači	3	1	+ 2 ili 200 %
- putnici	0	0	-----
- pješaci	1	1	isto
POVRIJEĐENO LICA	79	110	- 31 ili 28,2 %
- vozači	45	60	- 15 ili 25 %
- putnici	19	27	- 8 ili 29,6 %
- pješaci	15	23	- 8 ili 34,8 %

U naselju su registrovane 654 saobraćajne nezgode (jedna sa poginulim, 57 sa povrijeđenim licima i 596 sa materijalnom štetom), van naselja 63 nezgode (dvije sa poginulim, šest sa povrijeđenim licima i 55 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JUNU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	3	54	596	654	1	3	70
van naselja	2		6	55	63	3		6
<b>UKUPNO</b>	<b>3</b>	<b>3</b>	<b>60</b>	<b>651</b>	<b>717</b>	<b>4</b>	<b>3</b>	<b>76</b>

Prema **kategoriji puta**, najveći broj saobraćajnih nezgoda registrovan je:

- na ulicama u naselju – 347 nezgoda u kojima su 34 lica nastradala (jedno lice poginulo, 33 lica povrijeđena, dva teže i 31. lakše),
- na magistralnim putevima – 97 u kojima je 17 lica nastradalo (tri lica poginula, 14 lica lakše povrijeđeno),
- na regionalnim putevima – 40 (šest lica lakše povrijeđeno),
- na lokalnim putevima – 39 (četiri lica lakše povrijeđena),
- na putevima koji se ubrajaju u kategoriju ostalih – 194 saobraćajne nezgode u kojima su 22 lica povrijeđena (jedno teže i 21. lakše).

#### POSLJEDICE SAOBRAĆAJNIH NEZGODA

Tokom mjeseca juna 2020. godine, u saobraćajnim nezgodama na području Kantona Sarajevo nastradala su ukupno 83 lica (29 ili 25,9 % manje). Četiri lica su poginula (dva ili 200 % više), dok je 79 lica povrijeđeno (31 ili 28,2 % manje), od čega troje teže (13 manje) i 76 lakše (18 manje).

#### STEPEN POVREDA UČESNIKA U SAOBRAĆAJNIM NEZGODAMA



- Vozači : 45 vozača povrijeđeno: dva teže i 43 lakše
- Putnici: 19 putnika lakše povrijeđeno
- Pješaci: 15 pješaka povrijeđeno: jedan teže i 14 lakše

Starosna struktura nastradalih lica u saobraćajnim nezgodama je slijedeća:

- ispod 6 godina – jedno lice,
- od 6 do 14 godina – osam,
- od 15 do 20 godina – šest,
- od 21 do 24 godine – šest,
- od 25 do 30 godina – 12,
- od 31 do 40 godina – 17,
- od 41 do 50 godina – 22,
- od 51 do 65 godina – šest,
- 66 i više godina – tri,
- Nepoznata starosna dob – dva lica.

Starosna struktura nastradalih vozača u saobraćajnim nezgodama je slijedeća:

- od 18 do 23 godine – pet lica,
- od 23 do 30 godina – devet,
- od 30 do 40 godina – 14,
- od 40 do 50 godina – 13,
- od 50 do 60 godina – četiri,
- 60 i više godina – dva,
- nepoznata starosna dob – jedno lice.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 623 (četiri lica poginula, 63 lica povrijeđena, dva teže i 61. lakše),
- neprilagođena brzina – 93 (15 lica povrijeđeno, jedno teže i 14 lakše),
- uticaj alkohola – jedna nezgoda (jedno lice lakše povrijeđeno).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca juna 2020. godine, policijski službenici Uprave policije MUP-a Kantona Sarajevo kontrolisali su:

- 19.704 vozila i vozača (4.794 više),
- 5.130 lica u vozilima (1.049 više),
- pregledali 279 vozila (151 više) i 254 lica u vozilima (94 više).

Zbog tehničke neispravnosti iz saobraćaja je isključeno 16 vozila (sedam manje), 360 vozača je zatečeno da upravljaju vozilom pod dejstvom alkohola (143 više), 485 bez korištenja sigurnosnog pojasa (233 više), 267 bez položenog vozačkog ispita (119 više), 60 pod izrečenom zaštitnom mjerom (12 više), 354 vozača je zatečeno da koriste mobitel tokom vožnje (65 više) i 694 vozila su učestvovala u saobraćaju bez važeće registracije (55 više).

Zbog kršenja propisa iz oblasti sigurnosti saobraćaja uručeno je 18.995 prekršajnih naloga vozačima (4.998 ili 35,7 % više u odnosu na juni prošle godine) i podneseno 369 zahtjeva za pokretanje prekršajnog postupka (292 ili 379,2 % više).

#### 3.5. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca juna 2020. godine provodili aktivnosti u okviru saobraćaja u mirovanju i kontrole kretanja pješaka.

Vozačima koji su vozila nedozvoljeno parkirali na javnim površinama, uručeno je 7.637 prekršajnih naloga (2.375 više), upozoren je 301 vozač (tri manje), a specijalnim vozilom "pauk" premješteno je 215 vozila (80 više).

Zbog nedozvoljenog parkiranja, prekršajne naloge uručili su policijski službenici: IV PU – 1.770, II PU – 1.447, V PU – 1.162, I PU – 1.007, III PU – 975, Jedinice za saobraćaj – 729, VII PU – 285 i VI PU – 262.

Takođe, pješacima koji su kršili propise uručen je 121 prekršajni nalog (98 manje), a upozorena su 54 pješaka (19 više).

## **ZAKONITOST U RADU**

Tokom mjeseca juna 2020. godine, registrovana su tri napada (u istom mjesecu prošle godine nije bilo registrovanih napada) na policijske službenike Prve PU. U napadima su učestvovala tri punoljetna lica koja su lišena slobode.

Policijski službenici Uprave policije su u mjesecu junu 2020. godine u dva slučaja opravdano upotrijebili silu (tri manje):

- Dana 20.06.2020. godine, na području općine Stari Grad, policijski službenik Prve PU je upotrijebio fizičku snagu.
- Dana 25.06.2020. godine, na području općine Stari Grad, policijski službenik Prve PU je upotrijebio fizičku snagu i sredstva za vezivanje.

Tokom mjeseca juna 2020. godine, razmatrano je 49 predstavki na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 20 predstavki (12 više) provede unutrašnja istraga, za 16 predstavki je odlučeno da se izvrše provjere i prikupi dokumentacija, za 11 da su neosnovane, dok se za dvije predstavke Odbor proglasio nenadležnim.

Od 49 razmatranih predstavki, 38 je podneseno od strane građana, dok 11 predstavki predstavljaju saznanja iz službe.

Okončano je 10 unutrašnjih istraga, među kojima su četiri bile bez dovoljno dokaza, dvije su osnovane, dvije neosnovane, u jednom slučaju istraga je obustavljena, dok je jedna istraga okončana ocjenom oslobađajuća.

## **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali aktivnosti u cilju uspostavljanja saradnje sa građanima, mjesnim zajednicama, predstavnicima vjerskih zajednica, raznim udruženjima građana i nevladinim organizacijama.

Policajci u zajednici su svakodnevno na terenu, kroz proaktivno djelovanje i kontakte sa građanima, osobljem javnih ustanova, humanitarnih i drugih organizacija, osiguravali stvaranje povoljnog ambijenta za život svih kategorija stanovništva.

Među brojnim aktivnostima izdvajamo slijedeće:

- Pridruživanje on-line radionici za djecu na temu „Psi koji rade“, u organizaciji NVO „Dogs Trust BiH Representative Office in BiH“,

- Održavanje manifestacije „Auto Show“, u okviru „Akcije za bezbjednost na putevima BiH“, koju na osnovu Rezolucije UN-a iz 2010. godine kontinuirano provodi Svjetska automobilistička organizacija. Posjetiocima manifestacije su istovremeno, povodom 26. juna, Međunarodnog dana borbe protiv zloupotrebe opojnih droga, ispred BBI Centra dijeljeni flajeri i brošure na temu borbe protiv zloupotrebe opojnih droga.
- Obilazak vjerskih objekata kojom prilikom su ostvareni brojni kontakti sa vjerskim službenicima u vezi pandemije, a u cilju prevencije širenja zaraze,
- Obilazak JU „Dom zdravlja Kantona Sarajevo“ pri čemu je posebna pažnja data obilasku trijažnih punktova i kontakta sa dežurnim medicinskim osobljem povodom pandemije, a u cilju poboljšanja saradnje, razmjene informacija, sprečavanja narušavanja javnog reda i mira te prevencije širenja zaraze.
- Organizovana je dvodnevna akcija dobrovoljnog darivanja krvi uposlenika MUP-a Kantona Sarajevo,
- Nastavljene su aktivnosti na realizaciji projekta „Uklanjanje grafita – Zona bez grafita“.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim, azilantskim i imigracionim centrima boravi cca 2.250 migranata.

U mjesecu junu 2020. godine migranti su učestovali u 13 događaja sa obilježjem krivičnog djela i to:

- Lahka tjelesna ozljeda (čl. 173 KZ FBiH) – tri događaja,
- Posjedovanje i omogućavanje uživanja opojnih droga (čl. 239. KZ FBiH-a) – dva,
- Krađa (čl. 286 KZ FBiH) – jedan,
- Teška krađa (čl. 287 KZ FBiH) - jedan,
- Teška krađa u pokušaju (čl. 287/28 KZ FBiH) - jedan,
- Razbojništvo (čl. 289 KZ FBiH)- tri i
- Napad na službenu osobu u vršenju poslova sigurnosti (čl. 359 KZ FBiH) – dva događaja.

Tokom mjeseca juna 2020. godine, službenici policije proveli su ukuopno 11 akcija, kontrolisali su 190 migranata, od čega 97 nije posjedovalo registracijski obrazac, jedan je predat službi za poslove sa strancima radi registracije i 179 migranata je smješteno u prihvatne centre na području Kantona Sarajevo.

Sarajevo, 13.07.2020. godine

Odjeljenje za odnose s javnošću